

tiones, utrum duo illi aphorismi ratione & experientiae sint congruentes. Rationes nobis suggerat ipse Hippoc. lib. 5. aph. 39. & Galen. in commentario: dum duplum proponit causam convulsionis, ex repletione & inanitione, corporum scil. nervosorum, quae si repleta humoribus crassis ac pituitosis, ut spasmodus succedit, & huic febris superveniat, quae suo calore resolvat ac discutiat materiam illam spasmodicam, id pro bono augurio habendum, in dispensanda convulsione: si vero con-

vulso febri accedat, funestum, ob exhaustum nervosi generis, quae siccitas est insanabilis. Exin vel duo illi aphorismi falsitatis arguendi, id autem de divino Hipp. Genio supicari, sit piaculum: vel si illæ rationes adductæ non sufficientes, cum alia excoigitandæ ad salvandam veritatem. Si illæ non ad tuum gustum, desidero portiores: si quid solidi opponendum, ad illas destruendas, tum vietas dabo manus. Sed nunc vela contraham, rem istam uberiori tibi speculandam committens.

EPISTOLA XIX.

Contra Astrologiam vaticinam.

*Ad Dn. M. Nicodemum Sitzlinum, Ecclesiastem
in summo Templo Ulm.*

 Um à me efflagitatis meam sententiam arque censuram, quid de prædictionibus Astrologiæ, præsertim Genethliacis, sit judicandum, id laboris Viri amico derrectare, inamicum æstimo, quin in re etiam majoris momenti tibi gratificari sim promptus ac benevolus: idcirco animi mei cogitata, per hanc Epistolarem confabulationem, communicare libuit.

Haud invitus admitto, cum Deus & Natura nihil faciant frustra, proin celum ab Hieron. Cardano. haud invenustè vocatur, Dei Altis, In-

strumentum, quo in hæc inferiora ac sublunaria, operari solitus. Sydera à Deo Opt. Max. in hunc finem creata & cœli parietibus affixa, ut anni tempora variarent ac mutarent, subinde aliam in aëre inducentia crasis ac temperaturam, caloris & frigoris, humoris & siccitatis, ut terra progerminare & omnis generis fruges, ad sustentationem vitæ animalium necessarias, producere valeat, quin deinceps à diversa aëris constitutione, varie concidentur ægritudines, & Natura in primis humana multis ejus mutationibus obnoxia ac subiecta, exin non parum alte-

Tt

alte-

alteretur, & cum alioqui animi mo-
res corporis temperaturam sequan-
tur, (quale enim temperamentum
tales humores, quales humores, ta-
les mores) ut pro diversitate *nigritas*
hinc emergentis, homines modò la-
tiores, tristiores, & ad hæc, velilla
negocia expedienda, habiliores) &
promptiores, reddantur, rationi ad-
modum videtur consentaneum.

Quod autem omnes vitæ casus &
eventus exin prævideri, aut prædic-
queant, absurdissimum autumo.

1. Cum duplex causa, naturalis &
voluntaria, quæ in eo discrepant,
quod illa semper agat ex necessitate
Naturæ, hæc verò libera sit in agen-
do, agere & non agere, effectum eti-
am suspendere valeat. Cum autem
cælum sit agens purè naturale, ergò
aget necessitate Naturæ: at effectus,
qui sunt liberi, à cœlo dependere
non possunt, cuiusmodi sunt actio-
nes & effectus civiles, ut conjugium
dignitates, fortuna: proin absolum
de illis ex syderum diversa conjun-
ctione, judicare & certi quidpiam
hatriolari velle. Cum ipsis Astrologi-
ultrò fateantur, syderum influentias
per se & directè tantum agere in res
materiales & merè naturales. Cum
actio sit tantum inter ea, quæ genere
conveniunt. Ergò cælum velut
agens corporeū & materiale, solùm
aget in materialia, non autem spiri-
tualia, ut est anima & voluntas hu-
mana. Etsi ex accidenti, indirectè ac

mediatè agere possit in organa cor-
poris, quibus anima utitur, ut si ce-
rebrum benè dispositum, etiam ani-
ma suo discursu uti & animales a-
ctiones melius ac expeditius exerce-
re potest. Sed hæc amabò quid con-
ferunt ad merè fortuita. Quæ non
in nostro arbitrio consistunt, quæ in
voluntate aliorum & extrinsecus
adveniunt.

2. Ipsi Astronomi demonstrant,
totam terram cum mari, ad cœli
complexum, se habere instar puncti,
cujus minutissima portio erit hic vel
ille homo: quomodo amplissimæ
virtutes influere possunt in angustis.
illud punctum. Quam absolum, ut
sydera promittant mihi, vel illi soli
hoc infortunium, & non potius tori
illi puncto. Videtur hoc Herculeum
argumentum, contra particulares
influxus, & astruendum cælum
esse causam universalem, eti spe-
cialis aliqua influentia admittenda,
& hæc erit omnibus sublunaribus
communis, no: hoc, vel illud subje-
ctum, magis afficiēs: & omne agens
diversimodè agit pro diversitate re-
cipientis.

3. Cum ipsorum Astrologorum
confessio, se non à priori per causas,
sed à posteriori, per observationes,
ad istam cognitionem pervenisse, &
illæ admodum incertæ, cum falsis
nitantur hypothesibus. Cum eadem
cœli facies & signorum positura,
quæ semel apparuit, non amplius,

vix post aliquot secula recurrat, proinde vix duo vel tria exempla, de uno casu verè contingente, adferre licebit, nec propterea ex paucis singularibus, præcepta universalia constituere, par ac æquum. Absolum unam vel alteram observationem, ad omnes consimiliter natos, accommodare. Zenocarus de vita Caroli V. refert, eum in sua Genesi habuisse Capricornum in ascendentे, prout etiam Augustum, Carolum Magnum, & ipsum Christum Salvatorem nostrum, quasi ad regiam dignitatem evehendi, qui in consimili cōstellatione pronati. O vanitatem! Quis sanæ mentis credit, etsi quidam sub signo Capricorni in lucem editi, ad honores regios aspirarint, tamen indubiu, quin aliquot myriades hominum, sub eādem cœli figurâ ex alvo materna prodeentes, in abiectissimo vitæ genere, ævum traducere sint coacti, ut & complures Reges, in longè aliâ syderum copula editi. Vel exin cōstat, quam anile, ex paucis particularib⁹ observationib⁹, construere regulā universalem, cum illius felicitatis causa non tam à cœli influentia, dependeat, quam ipsorum cœlitum favore cōtingat, suum cuiusque Fatum destinantium. Sub eadem cōstellatione natorum, unus erit Fortunatus, alter verò calamitatibus subjectus. Si Christi Genitura, in consimili syderum positurâ, o quam misera regia majestas; dum à Judæis

per ludibrium titulotenus Rex salutatus, sed brevi post in crucem sublatus. O temeritatem!

4. Cum domus Astrologorum non reales, sed commentitiae: An noa res mira, si Planetae aliâ facie nos respiciant, pro sitū diversitate, tam varius prœdeat effectus, cum ex doctrinâ opticorum constet, effectus qualitatem, pro radii qualitate & Naturâ corporis irradiantis, non pro diversâ radiorum circulatione, differre. Sol enim quoquaque modo & situ ejus radii dejiciantur, semper calefacit & illuminat, at si rectiores spargat, eos reflectendo, magis calefaciet, insanum igitur dogma, quod Planetae, dum per 12. domos vagantur, ac diversimodè oberrant, alios beatos, alios miseris reddere, soliti, illorum Naturâ neutiquam mutata, sed solâ factâ sitū varietate.

5. Omnis ars & scientia occupatur in iis rebus, quæ aut semper, vel frequenter contingunt, prout docentur. Cum autem Astrologorum prædictiones raro veridicæ, ergo ipsorum ars destituta fundamento, nullis certis nititur theorematis, sed dubiis particularib⁹ observationibus, Exin Cicero lib. 2. divinat. excludat: quid plura, quotidie refelluntur Chaldaei, quam multa ego Pompeio, quam multa Crasso, quam multa hic ipsi Cæsari à Chaldaëis dicta memini, neminem eorum, nisi Senectute, nisi domi, nisi claritate

Tt 2 mori-

moriturum, ut mihi permirum videatur, extare quenquam, qui etiam nunc credat iis, quorum prædicta quotidie videat re & eventis, refelli: qui tamen omnes violentâ morte sublati.

6. Planè *ἄλογον* existimandum, à diversis parentibus pronatos, licet sub eadem constellatione, similes moribus, ac rerum eventis, cum ab iisdem progenitorum, magna sit discrepantia. Imò Geminos eodem cōcubitu satis & insimul utero exclusos, omnino contrariis animi moribus & rerum successibus fuisse, Jacobus & Esau luculentum præbent testimonium. Etsi obtrudant Astrologi, brevissimam illam moram, quæ inter Geminorum ortum intercedit, à nobis exiguum judicatum, in cælo tamen ob ejus vastitatem & rapidiss. conversionem esse insignem & magnam causare varietatem. Vanum effugium. Etenim si tam brevi mutatur ratio constellationis, sub qua quisque nascitur, tempus ipsius ortus, cuiusque hominis proprium, erit Astrologis incomprehensibile. Perquam raro ipsa hora, nedum punctum ac momentum, quo quis ex utero prodit, à parentibus consignatur & si hora tantum natalitia sit comperta acquiescunt, & exiū thema erigunt. Ergo falluntur & fallunt.

8. Cum præfigia illa (si forte quædam vera) post multorum annorum seriem demum eveniant, videtur *άδιντος*, influxum illum cœlestem, tam diu in corpore delituisse, cum esse etus tam diu non possit abesse à suā causā.

9. Postremum hoc Achilleum argumentum. Si in prognosticando tempestates (velut re leviori,) Astro-

7. Quam frivolum, quod Saturno assignant causam brevitatis vitæ. Ad cuius effectum causæ concurredunt plures, is unicæ causæ non erit:

Astrologi comperiantur erronei, multò magis fallaces in præfigiendo ea, quæ dependent ab arbitrio humano, & sunt fortuita. Exin ipse Kepplerus famosus ille Mathematicus, palam fatetur, se propter prædictionum incertitudinem, nullas amplius Ephemerides, prout antehac solitus, publicasse, ne si aberraret, suis prælagiis frustratus, ludibrio exponeretur.

Etsi jam adducta argumenta sat valida, ad infingendam Astrologorum vanitatem, verum cum multa mirabilia obtrudantur exempla eorum, quibus ea contigerunt, quæ ab hario lis denunciata, exin doctrina astrologica, videtur haud carere fundamento. Hunc ego ferupulum hoc modo revellerem. Etsi nonnulla prædicta vera acciderint, tamen innumera etiam falsa, aut nullos, aut planè contrarios habuisse exitus; ut non tam ex artis regulis, quam fortuitò rem attigisse, existimari queat. Idem de Astrologis dici posse reor, quod olim de oraculis Delphicis tritum atque vulgatum, quæ vera, memoria teneri & prædicari, quæ falsa, eorum neminem recordari.

Ast ut verum fatear, dum lego exempla admiranda veridica, obstu pesco, unde & cujus adminiculo, tales divinationes suggestæ.

Piererius Jesuita assertit, plerosque Astrologos, præsertim vera præfigentes, Magia fuisse addictos, ut ser, id non arte, sed sorte factum:

Tr 3 quem-

complures ab Inquisitoribus passim capti, & custodiaz mancipati, confessi, ut non tam scientia astrali, quam diabolica revelatione, vel occulto ejus afflatu, futura prædixerint. Quamvis nec ipsi dæmones semper prænorint futurorum contingentium eventus, prout ambiguitas oraculorum indigitat: fataum proinde, id attribuere Astrologis, quod nec malis Geniis à Deo est concessum.

Si quis autem objiciat, Astrologos pietatis amantes, &c à Magia alienos, quorum prædictiones aequæ veraces: huic opponerem, quod Aristoteles de Melancholicis tradit, eos multa divinare, quia multa loquantur: ita Astrologi in erigenda Genesi, varias res prosperas & infaustas, quæ cuivis mortalium accidere possunt, coaccervare ac conglomerare solent, ut *adversari*, quin interdum quidpiam veri contingat, cum non raro Sagittarius etiam im peritus sacerdos jaculando, scopum attingat.

Probè notandum, quod D. Augustinus lib. 4. confess. cap. 3. refert: Se ante baptismum, libris Genethliacorum mirificè deditum, à quodam Medico Hippo nensi Sene ab illorum studio aversum, quod eos quibus quæstus causa, olim incubuerat, reipsa falsoissimos comperisset, si quid veri interdum respondisset, id non arte, sed sorte factum:

quemadmodum nonnunquam fortis, ex libris Poëtarum depromptæ, interrogantis rebus factisque, consonare deprehendantur.

Accedit, quod multi divinent ingenii solertia, & multiplici rerum humanarum peritiae usque, & exquisita eorum, quibus divinatio fit, negotiorum, morum, studiorum & ingeniorum observatione atque notitia.

Adhæc Astrologorum auguria erunt vel secunda, vel adversa. Si prospera, omnibus viribus ad ea consequenda contendent per media etiam illicita, non prius quieturi, quam potiantur intento, & sic non raro in mala incident insperata. De Comite Ætholiæ Hector Boëthius Hist. Scot. refert, eum Jacobum I. R. Scotiæ peremisse, & regicidio peracto, cum jam capitali afficiendus supplicio, & membratim disseandus, capite prius coronâ ferreâ, pro ludibrio, quod Regnum affectasset, cincto, commemorasse, se vaticinium accepisse, priusquam è vitâ excederet, fore, ut publicè coronaretur, propterea semper ad ea, quæ Fata portenderent, vanâ persuasione ductus, cuncta præcipiti animo, direxisse. De Antonio à Leva Sabellicus narrat, quod author ac sua for Carolo V. ad expeditionem adversus Regem Galliæ suscipiendam obtulerit se Generalem exercitū, ab hariolis vanâ spe illestitus, quod in

Gallia moriens, suam sepulturam, in Templo S. Dionysii, sit habiturus ratum, se potiturum victoriâ, & Parisis, in Sacello S. Dionysio sacratum, tumulandum, proin ut immortalē sui memoriam, ob res præclarę gestas, apud posteros relinquēt, omnia sua consilia, de bello in Galliam transferendo, communicasse, at contigisse, ut exercitu dysenteriâ sublato, ipse in Narbonensi quidem Gallia mortuus, sed ejus cadaver Mediolanum in Italiam translatum, ibidemque in Templo S. Dionysii sepultum.

Si infelia & adversa præsagia, ea vel fortuitò evenerunt, vel dæmonis revelatione & directione ac impulsione, quò curiosos & Fati sui avidos, in suâ superstitione corroborarent, & in adversa præcipitarent, à quibus immunes permanissent, si vates non consuluerint.

De Geminis fratribus Gothicis etiamnum adolescentibus Olaus Magnus refert iis prædictum fore, ut mutua cæde perituri, exin fatum illud devitare constituentes, ad longius dissipatas & diversas orbis regiones peregrinantes, ibidem ad decrepitam senectam usque commorantes, tandem incessanter in patriam redendi cupiditas, existimantes tanto temporis intervallo, alterutrum mortuum & ita Fatum finitum, quod tamen viam invenerit. Nam cum ignoti Senes, in pinoso memore conveni-

venissent, & mutuâ salutatione factâ, paulisper consedissent, ex insperato utriusque canes, itineris comites, acri ortâ pugnâ pariter & illos à verbis ad verbera & vulnera etiam lethalia progressos, atque jam in agone, se fratres, memores vaticinii, agnoscentes expirasse. Quis ambigat à Cacodæmone canes impulsos ad rixam, exin senibus occasionem suggestissime, mutuis se vulneribus conficiendi. Nec hæsitari, Deum permittere diabolo tales machinationes, ad homines temerarios Fati sui & futurorum scientiâ avidos puniendos, dum Deo suo Creatori & paternæ ejus providentiae diffidentes, à creaturis res expertunt futuras, quæ aliâs ipsis non contigissent, si jactata suâ curâ in Dominum, eas nosse non desiderassent, juxta illud:

De Asclerarione Mathematico
(ego potius infamem Magum crediderim) mira recenset Suetonius, quod Domitiano Imperatori violentam mortem prænunciasset, per contanti qualem ipse vitæ exitum, sit habiturus, responderit, se brevi à canibus dilaniatum iiii, eum interfici sine morâ, & ad coarguendam artis vanitatem, cadaver cremari, & cinerem sepelire imperasse, dum id peractum, evenisse, ut inopiatò imbre depluente, ignis extinxetus, & canes catervatim accurrentes, semiuum discerperint cadaver. Non

dubitari, si Mathematicus ille sibi istum vitæ ternium non præfixisset, nunquam in id infortunium incidisset, sed connivente Deo, à diabolo Domitianum ad illius necem concitatum, & canes vel reales, ab eodem impulsos, vel ipsos personatos dæmones, formam canum representantes, cadaver dilacerasse, credidimus. Unicum adhuc subjiciam exemplum stupendum cujusdam Astrologi (de quo Simon Majolus Episcop. Vultuar.) quod Galeatio Mariz Duci Mediolanensi, prædicterit, ipsum ex vulnere peritum, à suo vasallo inferendo, percontanti, quo mortis genere ipsi occubendum, responderit: se in publico interemptum iri, ex trabe ligni cadente, exin illum decollari præceperit, ut ex eventu convinceret, Astrologiam falsam: sed quid contigit, cum eductus ad supplicium, sub portâ magnâ, turrim lapsam, Astrologum cum carnifice, & alios concomitantes spectatores, prostravisse, ipsum verò Galeatum, in Templo S. Stephani, interficetum à proprio vasallo. An non hæc mira sunt ludibria Satanica, quis tam exors Rationis, ut credat, ista ab ulla arte humana, prævideri ac prædicti potuisse. Vel denique ex metu incidenti in mala aliâ non eventura, prout Jovius de Leonio Medico & Mathematico, eum ex suâ Genesi depræhendisse, sibi pereundum in undis, proin relictis

licitis Venetiis , ne crebrò navigandum, Spoleto se contulisse, & brevi post Florentiam , ad curandum Laurentium Mediceum Ducem , evocarum, & cum constellatione syderum fretus , morbum non periculosum dixisset, quo ramen ille extintus , hinc cum illius valetudinem neglexisse diffamatus , ob infelicem medelam , ab illius filio Petro Mediceo noctu in puteum præcipitatus , in quo suffocatus . Ego planè mihi persuadeo , si sydera non resperxisset , quin eo casu non periret . Haud ingratum fore duxi , si adhuc tria subiectam exempla mira & rara paucis cognita .

1. Johannes Stöflerus , Mathematicus Tübingensis , determinato die sibi periculum imminere prævidens , ad id evitandum , & tempus amicâ conversatione fallendum , quibusdam literatis in Musæum suum convocatis , cum inter pocula disputatio sobria orta , & ille ad dirimendam controversiam , bibliothecam suam accedens , librum promeret , contigit , ut clavo laxato , asser , in quo libri repositi , illius capitî incidens , vulnus lethale infixerit .

2. Cum Tycho Brahe Astrologus famosissimus , in juventute , Rostochii studiis incumbens , quendam diem sibi infaustum adverteret , interdiu in Musæo suo commoratus , circa vespérā , putans Fatum jam

præterisse , domo egressus , ad cenandum apud hospitem suum , dum inter epulandum cum studiose comensale , orto litigio , ad digladiationem ventum , ut illi nasus præcitus .

3. Johannes de Lignano , JC. Bononiensis & Astrologie peritus , prævidens Filium suum de patibulo aliquando fore suspendendum ad Fatum avertendum , sacro ordini ipsum addixit , tam felici successu , ut ad Episcopalem dignitatem elevatus , & cum à Senatu Bononiensi Legatus designatus & Romam ad Pontificem missus , ad hujus gratiam aucupandam , ejus commodo promovendo , magis intentus , eo comperto , quod negotium aliter , ac in mandatis haberet , expeditivisset , Bononienses illum ea nocte , quâ reversus , cruci affigendum mandarunt , cum sequenti diluculo , infelix Pater , fortè præteriens , suspensum conspexisset , hac usus est exclamatione : O Fili , tu infelicissimum Fatum , nec divinis ministeriis , nec humanis admiculis , superare potuisti .

Indubium aestimo , si cui ex insperato , res prospera obtingat , ut felix conjugium , vel divitiae affluant , vel ad honores elevatio suppetat , ea à Deo omnium Bonorum largitore & bonis Genis administris provenire : Sin autem infausta , ut suspedium , vel submersio in aquâ , haud culpa rejicienda in sydera malefica ,

fd

sed malos Genios, ad funesta instigantes, nec illa infornia obvenient, si astra non consuluisse.

Pro colophone anno etiam autho-
ritates Astrologorum principaliorum, astrologicas prædictiones fal-
laces confitentium. Coriphæus sit
Kepplerus, qui palam astruit, tam in
genere, quam particulari, nihil certi
ex Astrologia prædicti posse, quoad
res faustas & adversas, si qui Astro-
logi in individuo quidpiam hario-
lando assecuti, id fortuitò potius
contigisse, non ex artis præceptis,
asseverare non dubitat. Exoptan-
dum, omnes Astrologos ita affectos,
ut veritas magis curæ ac cordi, quam
in prognosticando temeritas. At
quid causæ, quod plerique Astrolo-
gi tantas vanitates defendant, pro-
iis ceuaris & focis, dimicantes. Ipse
Kepplerus in lib. Astrol. contra Fe-
selium Medicum Badensem publi-
cato, Astrologiam filiam fatuam
ipsius Astronomiae, velut Matris sa-
pientis, haud inscitè vocat, quod illa
quidem ab hac fuerit nata, educata,
sed ubi adolevit filia, alimentum
matri submisistrare cæperit, ne
mendicandum, aut fame pereun-
dum. Quare nî Astronomi adopta-
sent Astrologiam, vix haberent, un-
dè suam curarent curiculam. Φιλο-
γνωσία igitur Duce, sordidi quæstūs
causa, credulo ac improviso vulgo,
suas futilitates obtrudere non vere-
tundantur, scientes, cor humanum

esse φιλόκαιος & φιλοξενος appetens no-
vitatum & absuditatum.

Keppleri suffragatur Cornelius
Agrippa lib. 6. d. vanit. Sci. profi-
tens: se Astrologiam à Parentibus
puerum imbibisse, dein nec modi-
cum temporis & laboris in eam in-
sumpsisse, tandem didicisse, eam nullo
alio nisi fundamento, nisi meritis nu-
gis & figmentis imaginatioium,
pœnitere insumptæ olim operæ, ab-
jecisse Jain dudum ex animo, nec re-
assumere velle unquam, nisi poten-
tum violentæ preces, (qui soleant
interdum ad indigna artificia, etiam
magnis probisque ingenii abuti)
sæpe rursus impingere compelle-
rent, suaderetque domestica utilitas,
se aliquando frui debere illorum stul-
titiam, & nugas tantopere cupien-
tibus, nugis obsequi. Cum D. Mar-
tinus Chemnitius insignis Theolo-
gus, adhuc artium Magister, Mathe-
maticis disciplinis esset deditus, & in
prædictionibus natalitiis felix ac ce-
lebris habitus, prius ab amicis co-
hortatus, ut se totum Astrologiæ
traderet, id recusavit, quod illius
fundamenta valde sint infirma, ab eâ
recedens, ad studium Theologi-
cum se contulit. Ipse etiam D. Lu-
therus comm. in Gen. astrologicis
vaticiniis parum tribuit, quod nullis
nitantur fundamentis, sed meritis
conscient incertis & particularibus
tantum observationibus.

Huc referri potest D. Angustini
Vu exempli-

exemplum supra ex libr. confess. allegatum, albo calculo notandum. Tantorum virorum authoritates, cum prædictis rationibus conjuncte, scutum obvertant & obterant, omnium aliorum Astrologorum, objecta frivola & experientiae repugnantia.

Liceat mihi cramben recoclam apponere. Ego firmiter credo conjecturis haud frivolis fretus, omnia præfigia de futuris contingentibus, neutquam prodire à certâ syderum copulâ, cum nihil agat supra vires suæ speciei & talis facultas illis à S. D. haud insita: Sed cum Ægyptii & Chaldae, olim superstitioni & artibus Magicis, quibus ipsa etiam Astrologia merito est accenlenda, fuerint addicti, si quid veri prædictum, ope dæmonum revelatum. Cum duplex cum illis pactum constitendum, implicitum, vel expressum. Ita duplicitis fortis Astrologi comperiuntur, alii manifestum habentes cum dæmonie commercium: & hujus re-

velatione futura cognoscentes, ea ex astris se cognovisse, communiscuntur, quod iporum impietas lateret in tenebris. Alii Astrologi, et si alias pietatis studiosi, sed veterum observationibus freti posteritati relictis, exin suis prædictiones deponent, putantes, illa vaticinia proficiisci à scientiâ sydereâ naturali, se ipsis decipiunt ac fallunt, dum preceptis illis nitentes, themata natalitia erigunt, opere ipso demonstrant, ea procedere ex pacto implicito, occultâ dæmonis inspiratione, vel potius, si definito dic præfigia contingant, ipso authore ac impulsore, nemendax comperiatur, Deo connivente ac permittente, ad puniendo tam curiosos & temerarios Fati sui avidos: indubium, quin in prædicta mala haud incidissent, si vates non consuluissent. Si prænarrata exempla justo ponderanda judicio, rem ita se habere, impartialis censor facile depræhendet (intellecram velim judicariam seu vaticinam.)

EPISTOLA XX.

*Taxatio supina quorundam Pharmacopæiorum negligentie
& crasse ignorantie, quam ea sit detimentoſa.*



Uâm periculoseum & damnosum sit Tyronibus Pharmacopæis Medicorum recepta dispensanda committere, memorabili exemplo libet monstrare. Cum ante complures

annos, quidam J. II. Doctor Stutgardii, in statu sanitatis, nulli morbo obnoxius, sed præservandi tantum causâ, à Medico experteretur evacuationem corporis, ante venæsecctionem ordinandam, is præscriptis apozema